

Memoriae Sacrae
Illustriss. Potentiss. Principis
HENRICI
Walliae Principis, Ducis Cornubiae,
&c.

Laudatio Funeris.

FR. NETHERSOLE
Oratoris Academiae Cantabrig.
Trin. Coll. Socij.



CANTEBRIGIAE,
Ex officina Cantrelli Legge.

1612.

Ad Lectorem.

*Principi occasum verborum, summe nullo
Desenti, vitæ laudibus imparibus
Si non ignosces, Lector, miserebere credo,
Lamina si mihi sint qualis, corq; scias.*



Laudatio Funebris.

R *Everende Amplissime PROCANCELLARIÆ:
Nobilissimi, Dignissimi, Venerabiles viri.*



Vm vos vniuersos ingenti attonitos
malo tacere videam, subit mihi cogi-
tare quàm iniqui in me sitis, quem
non minus stupentem, tamen hodie
dicere iubetis, luctumq; cui linguz
rōr vestre, tamq; exproptz non suf-
ficiunt, vnâ hēitanti, & impediā ex-
primere. Oris quidem fateor, beneficio vestro, locum in
materno Capite obtineo; imperate ergo mihi quz sunt
oris in mœrore officia, singultus, gemitus, suspita,
lamenta etiam, & ciulatus; pleno de pectore hæc vo-
bis omnia non cyatho, aut urnâ, sed totâ amphorâ ex-
hauriam. Doloris autem aut mei, aut vestri, aut Reip.
verba, quz esse deceat, conari, nec possum, nec vos à
me id æquum est postulare. Ad rationis enim concep-
tus pariendos, mentisq; sensa enarrande, attributa hu-
mano generi à naturâ oratio est: Lætitiz verò, & tristi-
tiz, reliquorumq; affectuum, qui nobis communes
sunt cum bestiis, interpretes etiam optimi sunt vo-
ces illæ, quas ipsa bruta non minus quàm homines e-
dunt. Aut si sortè perturbationes aliquz intelligen-
do interdum magis, quàm sentiendo in nobis excitatz,
orationem etiam inueniant, paruas tamen esse opor-
tet, si quibus verba circumspicere, eligere, collocare

vacet. Magni autem affectus, grauesq; cura splendoris omnis, & elegantia in verbis non minus, & sententijs, quam in vestibus, cultuq; negligentes sunt. Nec potest, ut velit maxime, animus merore squalens, & stupore hebes ornate quidquam dicere, aut acute concludere. Nec lingua satis suum in orando officium facit, dum inter crebra suspiria veri verborum soni pereunt, cursusq; orationis medij singultus interrumpunt. Quin & ipse manus voci quae subseruire gestu accommodato debent, plangere cum didicerunt, agere nesciunt. Quapropter nostra hodie si allucineur dictio, veniam nec praefatur, nec perorabit Orator vester, qui perturbato dicendi genere, ijsq; omnibus, quae dixi, vitijs doloris magnitudinem ostentare exoptat potius, quam accurate composita oratione impiam indolentiam fateri. Eloquens videri, Academici, hodie non studeo, siquid forte audiat vestris haud indignum auribus, id non me, quae nulla est, facundia, sed eximijs, de quo dicturus sum, Principis virtutibus imputare. Quem pro meritis quidem laudare, Oratori optimo vnum esset vel impossibile, vel difficillimum: sine omni commendatione id facere, pessimo quoq; omnium non est facile. Cuius enim aut ingenium tam humile est, quod illius summae virtutes attollere non valeant? aut tam jejuna oratio, quae tam veri materiae ali non queat? aut quis tam inops orator, qui in eius laudibus copiosus esse non possit? Ego vero, qui me probe conficius sum tenuitatis, accrescere aliunde vires sentio; nec vereor, ne de Principe defuncto bona multa commemorare nequeam, de quo adhuc viuente mali quidquam dicentem nemo unquam quenquam audiuit. Nam cum sit Principum fere virorum iniqua fors recte quidem facere, male tamen audire, siue quod tantae animorum & voluntatum diuersitati placere ne ipse quidem pos-

fit Iupiter: siue quod ministrorum improborum iniuriæ in domos plerumq; redeant: siue adeo ex malignitate humani ingenij, eorum semper famæ libenter detrahentis, quorum fortunis inuidet; quicquid in causâ sit, ea semper fuit huius Principis prope peculiaris felicitas, boni nominis famam apud omnes non mereri solum, sed etiam obtinere. Principem nobis talem alij inuidebant, gratulabantur alij; beatos vtriq; & felices prædicabant. Varijs quidem linguis, vno tamen ore, Principes illum externi, populiq; omnes laudabant. Domestici quoq; non minus cuiuscunq; ordinis. Religionis, nobilitas, plebs, boni, mali, cæteris in rebus omnibus dissentientes, in eius laudibus semper consensiebant. Benedicebant qui amabant, qui non amabant benedicebant. Quam quidem prærogatiuam quod præter communem Principum fortunam sortitus sit, id timori aliorum nemo tribuendum putet. Nam quis esse maior potuit huic, quam alijs Principibus maledicendi metus? aut quis vsquam tyrannus subditis timendus maxime, in linguas hominum vllum imperium habuit? aut quem vnquam post hunc Principem maledicentiæ pœnas luisse accepimus? Virtuti ipsius eximia felicitas hæc quantacunque sit, & constanti vitiorum fugæ tota accepta referenda est. Est enim illud profeclis excellentibus virtutibus datum, vt non solum bonorum laules, & amorem promereantur, sed impuro quoq; obrectatorum ori silentium imponant. Quemadmodum & qui à vitijs procul, fortiterq; recessit, extra contumeliæ regionem longè positus est. Quid enim refert ei nec rectè dicere de quo opprobria credi non possint, & qui nō agnita ipse tideat? aut quid hoc est aliud, quam aut Lunam latrare, aut Solem obscuro calumniari? His artibus instructus Princeps Optimus, gloriæ suæ confessionem maleuolis extersit: his

armis munitus se ab omni, non vero solum probro, sed opprobrio quoq; falso pudicum seruauit. Nam quod vnquam, Deus bone, non dico vitium, sed vitij vmbra candidissimum illud pectus infuscauit? manus illas purissimas cuius vnquam culpæ labecula inquinauit? quæ deniq; libido mala ex illo aut ore sanctissimo prodijt? aut castissimis oculis prospexit? Permittite mihi quæso illud etiam adijcere, quod ex animo dicam. Si fas sit hominem sine vitiorum semente nasci, ita satus, & ortus eras (Princeps Henrice:) Sin id mortalibus negetur, hoc saltem cõfidenter affirmauerim, turpem illum Vulcanum, qui semel conceptus aqua non extinguitur, in nullo vnquam pectore aut incendium minus secisse, aut flammam magis innoxiam, fumumve rariorē emisisse. Quid ego nunc adijciam quanta sit hæc in iuvene, & quàm rara laus? ipsi intelligitis, nec mihi est animus in eius ætatis contumeliam quidquam dicere, ex qua nondum excessi. Fatendum tamen est illud malum eam antiquam, quæ tam altas in nobis radices egit (vt est malorum natura præcox nimis) in ætatis vere proferre fructus vberrius solere. Sumus enim profectò, iuvenes, quod pudet dicere, luxuriosa, petulans, mobilis, arrogans, iracunda, superba, verbo dicam, stulta turba. Quibus tamen non contenti, quasi vitiorum inopes essemus, quædam pueritiæ propria retinemus, alia ante tempus à senectute mutuanur, & non amplius pueri, adhuc pueriles; nec dum senes, iam *κακόνδεις* sumus. Ille autem contrà, quæ de sunt ætati nostræ bona, innocentiam, & prudentiam à vicinis petijt: quæ ad sunt, magnanimitatem, verecundiam, facilitatem, rerum agendarum studium, & ardorem audissimè totà manu arripuit, ita tamen vt à contactu vitiorum semper abhorreret. O vnum perpetuū dignum iuventutis cuius adolescentiæ flori spinæ agnascabantur nullæ!

Nunc

Nunc, quod aliquis cogitet, laudem esse hanc custodis magis, quam suam, id longè aliter se habet: nisi enim in virtutem flecti cereus quis à natura sit, irritamen vitiatorum fit seuerior disciplina. Nam & equi contumaces adductis arctius habentis ferociunt magis: & Neroni magister morum optimus hoc tantum profuit, ut immanis illa bestia, retenta diu, ruptis dein vinculis sæuior exiret. Noster autem subducto iam cortice non minus nabit, sed remoto quoque custode vitam famamque ipse incolumem tuebatur. Quod si alij quoque in priuatà fortunà faciant, est quidem laude, sed minore dignum. Nos etenim, cum magistri non possunt, magistratus cohibent: & si verum tateri volumus, boni in tantum sumus, in quantum mali esse non audemus. Criminibus, quæ tunc admittuntur, etsi parum honestè, abstinere nemo: si ius nullum contrà sit, iniustissimus esse quis dubitat? Quod si ita animatus fuisset Princeps innocentissimus, quas ille turbas dare? quæ flagitia committere impune potuisset? Luce clara diripuisset possessori bona, quis repeteret? virgini vim intulisset, quis citaret? eadem non vnius modò, sed vel mille hominum patraisset, quis in iudicium vocaret? Ab his tamen ille, cæterisque omnibus, ijs etiam, quibus in adolescente solet esse venia, non metu poenæ, sed turpitudinis odio temperavit. O dignum vità longiore Principem, in quo boni mores plus valebant, quam in nobis bonæ leges. Sed quid his tamdiu immoror? Agrum sterilem nemo vnquam laudauit, quod tribulis, carduisque non horreret; sed si qua bonæ frugis ferax terra, herbas nocentes & inutiles non pariat, ea deum laudari digna est. Videamus, ergo, ista Principis innocentia quibus porrò virtutibus cumuletur, nam & fungi & stipites vitijis carent. Quà quidem in parte illud metuo, ne post Xenophontem, Cyrum, aliquem iterum

describere videar, non qualis erat, sed esse debuerat. Deum ergo inprimis Opt. Max. sanctè iuro, me laudes Principi non suas afficturum nullas, & si ob inauditam eius in hoc ævo, & hâc ætatè perfectionem orationi meæ defit fides, veritatem non defuturam. Id vnum deprecor, ne quæ à me hodie audietis, aut omnia quæ dici possint, aut optima putetis. Cogit enim me iniqua hora, ac si in hortum flosculis omnigenis confitum venerim exiturus, raptim sine delectu proximos quosque colligere, ex quibus olim, si erit otium, sinentque fata, Principi Illustriss. corollamnectere in animo habeo. Et statim quidem vngues non teneo, quin te, pietas, decerpant, vitiorum omnium expultrix, virtutum mater, quibus tantum superemines quantum homini Deus. Omnibus quidem necessaria, Principibus adeò, ut si religioni non sint, superstitioni saltem esse deditos è Rep. putandum sit. Si enim volumus ex omni ævi historiâ, exempla domestica, peregrina, omnium gentium, nationumque conferre, inveniemus sub Mezentij semper & Hostilij, aut dissipatas bello Resp. aut afflictas: sub Numis placidâ compositas pace floruisse. Non inde adeò, siquid ego iudicare possim, quòd, sicut amatores Dominarum absentium picturis delectantur, sic fideque quoque religionis imagini faueret Deus; sed quòd falsa omnia veris immixta sint, ipsaque supersticio tantum de verâ religione trahat, quantum ad Remp. continendam satis sit. Solent enim populi, quamvis feroces, regi supersticioso subditi, ad eius exemplum Deorum metuentes esse: qui autem sic sunt, eos non tam facile aut inter se seditionem aliquam, aut in Principem moturos rectè apud Xenophontem reputauit Cyrus. Nec illi nescierunt improbiores Principum, sed astuti doctores, qui vanitatem hanc (sic enim vocant) in plebe fouendam, & augendam putant, ipsum

ipsumq; ideò Principem quem esse religiosum nolunt, videri volunt. Quantò melius Serenissimus, & pijs-
simus Rex, ex vano mendacium Deorum metu, æstimans
veri quid valeat reuerentia, vsq; doctus suo stabilissi-
mum regni fulcrum cœlo infigi, filium charissimum in
ætate fallendi nesciã, non simulare pium, sed viuere in-
suevit, quem nondum prima verba satis exprimentem
orare docuit: nec dum religionis capita rectè intelli-
gentem memoriæ mandare iussit. Quod sicuti obscurum
esset, quàm sinus naturã tenaces eorum, quæ primis
annis imbibimus, hinc esset perspicuum, quòd illa duo
pietatis officia, quibus à puero imbutus fuit Princeps
optimus, non alius adolescens respuit magis. Quis e-
nim eorum qui in hæc tantum vivunt, aut libentius
Deum alieno ore loquentem audiuit? aut suo sapius
alloquutus est? Quis in hoc opere submissius? in illo
attentius versari solitus? O Princeps sanctissime, san-
ctissime Princeps, etiam nunc mihi scripti sunt illi in
animo, quos vidi postremos vultus tui. Habuit tum
concionem Præsul Ampliss. is qui potest optimè, fortè
aderam. ambitio me tenebat magna (farebor enim) à
Principe coram præsentē etiam indignum aspici, aliquà
tamen spectari. sistebam me ex aduerso, expectabam
quàm mox me cum turbâ intueretur, ille vni dicenti
intentus, ex oculis Episcopi oculos nusquam dimouit
suos. mirabar. astantes rogo quid esset, respondent
morem. gaudebam. sperabam claudente saltem conci-
one fore ut circumspiceret. ibi verò ille prono in ter-
ram genu, sublatiis manibus, oculos in cœlum fixit:
quales, Deus bone! quales! nequeo dicere. hoc tan-
tum: ex illis migrantem in cœlos animam manifestè
cernebam. Hæc si quis vera an sit ambigat, testes mi-
hi esse possunt è vobis sexcenti, qui aut illic, aut ali-
bi tantum viderint. Parua si quis dicat. farebor. ve-

runtamen, siquid ego in alienâ Rep. intelligo, animi religiosi sunt argumenta maxima. Is autem in tantâ rerum omnium abundantia, & tam excelsâ fortunâ non minus rarò occurrit, quàm fortuna ipsa. Falsus est enim in eo Aristoteles potentes, & fortunatos esse solere erga Deum affectos optimè, *Πισυότες δὲ τὰ γινόμενα ἀγαθὰ ὑπὸ τῆς τύχης*, credentes, inquit, Deos esse ob bona quæ illis à fortunâ proueniunt. Preceptoris enim verba factis destruit discipulus Alexander, qui prospero bellorum successu inflatus, se Deum potius credi voluit, quàm alios credere. Sed ignoscamus diuino illi in rebus humanis ingenio, in diuinis humanum quid patienti: & quo duce in terrâ suâ vtimur, ei ignota in regione erranti viam comiter monstremus. Sciat ergo magnus philosophus, naturæ miraculum, quod nos ex altiore scientiâ hausimus, pietati nihil æquè aduersari, ac secundas res: quæ cum ex sententiâ sponte fluunt, segnes ad Dei cultum omnes sumus. Neptuno vndis iactati vota certatim faciunt plurimi, iidem seruati in litore non omnes soluiunt; tranquillo autem æquore, sereno cælo, ferente vento precibus fatigare maris Deum pijsimo Principi cum patre, sed paucis alijs commune fuit. Magnum aliquod præstare videntur potentes si ignauum hominem vnum aut alterum alant, qui pro se orer, ipsis aut otium aut animus non est. Ille qui sciret vota Britannorum omnium pro salute sua excubare, reitamen tantæ supinus indormire noluit, sed illa genua à supplicibus adorari nata, terram assiduè exosculando obterebat. Precibus rariùs aberat, quàm ad finit alij, toto certè vix semel mense. Solus præterea secum (nihil quidquam mentior) ter ferè quotidie Deo supplicabat, Faustum & felicem diem nemo illi priùs quàm ipse petebat: bonam noctem, & tranquillam quietem post aliorum vota semper precabatur. Nec in beneficijs pe-

tendis

tendis frequentior, quàm in gratijs agendis prolixior erat. Id vno, de multis, exemplo discite, quòd in memoriam fatalis eius dici, quem pœnè non effugimus, suam vt erga Deum gratitudinem testatam faceret, nullis vnquam negotijs impediri potuit, quò minus die quoq; Marii, patris exemplo concionem audirer. Quòd s; nos item frigidà tanti beneficiij quotannis commemoratione defuncti non fuissenus, fortas;e dies omnium nefastissimus Nonis Nouembribus proximus non legeretur:

Troiag, nunc stares, Priamiq, arx alta maneres.

Sed quo feror? video me suauitate illectum, hanc quasi virtutum eius rosam pandisse pluribus, iamq; eam, vt in fasciculum, patere satis, illa tamen adhuc queritur nimis se conuiure. Explicabo ergo folium & illud; Principes, præsertim nostros, qui in DEFENSORVM FIDEI titulum assurgunt, religionem non colere tantum, sed propugnare etiam debere. Quod fecit Serenissimus doctissimusq; rex libro illo eximio, cui dum dentes quærant illidere Romani mures, offendunt solido. Atque cum filij pleriq; omnes gaudeant in eo potissimum laudis genere excellere, in quo maiores claruerunt, tum hoc Principe nemo vnquam aut patrem imitatione digniorem habuit, aut maiore cum studio imitatus est. Nec tamen recipio, voluisse eum post patrem in hanc verborum arenam descendere, vbi videret, obscurum quemuis de s;æce Romanâ Scioppium non pudere se cum Rege omnium Serenissimè componere, cuius Maiestati ipsa quoque Sanctitatis suæ purpura conferri erubesceret. Verum nisi me animus fallit Romanam bestiam, à patre iam pridem calamo confosam, virus tamen adhuc enotentem, alio longè telo adortus esset, & DEFENSOR FIDEI prius etiam quàm iure posset, gladio vocari meruisset. Est enim illa calumnia mera ab impijs

quibusdam excitata, frangi nimio religionis studio quicquid est in animo generosius, aciemq; fortitudinis pietate retundi. Ego contra contendo, Dei timorem animo virili maximū robur addere. Quid enim potest illis timendum in bello videri, quos lethi metus non vrget?

inde ruendi

In ferrum mens prona viris, animaq; capaces

Mortis.

Aut si ex victoriæ fiducia crescat pugnandi audacia, vnde firmior oriri potest, quàm ex opis diuinæ, auxiliq; cœlestis certa perluasione. Lachrymas quidem omnium facillimi emittunt pij viri, sed & sanguinem: non sunt temerè ex læti causâ pugnaces; ne sint quidem. læsam autē sapias patientiam in iras violentas ardescere, & cum fortitudine pietatem optimè conspirare, si vitam Principi Opt. longiorem indulgissent fata documentum orbi ingens dedisset, & in hac quoq; tam breui amplum dedit. Vt enim ab ipso ouo ordiar, in cunis statim ex animo tenebrarum, & terliculorum omniū contemptore scires à Serenissimo, & heu nimio nimis confidente interritoq; Rege satum, ab invictâ, & bellicosissimâ Danaorum Regum profapiâ oriundum. In primâ verò pueritiâ inanes terrores, *κατὰ τὴν τὸ πολέμῳ*, ad quæ trepidare solent tyrones, adeò non metuebat, vt nihil maiore cum voluptate audiret, quàm fractos tubarum, & tympanorum sonos: offensus quoq; inter ludendum, grandiores se multò ad pugnam prouocabat. Fortis animi, magniq; spiritus indicia non minora. Mores etenim cuiusq; nullibi simplicius se deregunt quàm in ludendo pueri dum sumus, & ex ipso in ætate illâ oblectationum genere. Sic ferus ille configendis, quas in delicijs habebat, coturnicum oculis, crudelitatem innotatam statim prodidit: sic qui in gallinaceorum con-

fictibus

fluctibus dissidebant fratres, discordiam in imperio eandem retinebant: sic & in nostro, ex eius quam diximus amore, & stomacho iniurias. concòquere nescio, bellicus ille animus clarè elucebat. Fatebuntur hostes (intelligo quid dico) qui vix dum Astyanasta ingressum, Hectora futurum expauebant. Nec eos falsebat metus, Hector enim erat adultus iam; aut Achilles, aut aliquis antiquorum heroum deniq;. Quos ego, postquam regna Saturnia rediisse videam, aut renatos iam, aut renascituros ex Pythagoræ disciplinâ libens credo. Nisi fortè anus natura, vt se nondum annis effectam probaret, vnum hunc terris ostendisse tantum satis habet, in quem si non Achillis anima, at certè animus migravit. Nam vt ille olim parmam, hastamq; fæmineis mercibus immixtas elegit: itidem & noster posthabitis muliebribus oblectamentis omnibus, quibus enervamur hodierni adolescentes, ijs quæ virum deceant, faciantq; solis se exerevit. Pilâ, inquam & maiori illâ cui nomen, quod sciam, non est Latinum, & minori quâ ubiq; luditur: quarum alterâ gladium in prælijs iactationem securè pati; alterâ ad tormentorum quoq; globulos non exhorrescere doceri voluit. Saltabat etiam non more, vt nunc fit, Ionico tenerè, molliterq;, sed motu corporis virili, modoq; prope Laconico; quem ad militarem quoq; disciplinam plurimum facere, non dubitant credo qui sciunt Phrynicum, quòd in fabulâ Pyrrhicham aptè saltasset, Imperatorem ab Atheniensibus delectum fuisse. Sed præter cætera corporis exercitia, in quibus multus erat Princeps fortissimus, feroci equo gaudebat maximè. Quæ, non meo solum, qui sum vnus è multis, sed sapientissimi quoq; Apollinis iudicio, generosæ indolis, animiq; Imperatorij certissima est exploratio. Quis enim vestrum nescit oraculum illud Philippo Macedoniæ Regi de

de successore consulenti Delphis datum? eum denum Macedoniæ imperio, omniq; mundo potiturum, quæcunq; Bucephalus sessorem pateretur. Quod in Alexandro euenit, qui se orbi subigendo pariem fore, equo prius domito specimen dedit. Quid ergo noster? annos natus vix decem, quâ ætate alijs arundini inequitare pulchrum est, equo acriori imponi poscebat. refugientibus qui aderant munus periculi plenum, arduo colliculi adjutus ipse conscendit, subditisq; calcibus equum ad cursum admisit, exclamantibus frustra adstantibus, donec tandem sariatus leuiter flexis hâbenis reduxit, descendensq; NAM QUOUSQUE, inquit, OPINIONE VESTRÂ PUER FUTURUS SUM? Quum primum autem adoleuit, quæ eius lætitia erat? qui amor? quod desiderium? nisi equo spumanti, & animoso vectum spectari, cui nunc erecto, nunc prono, nunc resultanti, omnia deniq; agenti ad eò arctè insidebat, ad eò decorè, vt ego cum aliquoties viderem cæperim rudi illi sæculo ignoscere, quod errore deceptum Hippocentauros procreauit. Postquam autem firmatis tandem viribus cataphractarium egit, ex illo tempore, quæ à Poetjs narrantur militum errantium gesta, non ampliùs mihi fabulæ videntur. Vidi, vidi ipse, Academici, equo tam incitato alacriter procurentem, brachio tam valido lanceam tenentem, manu tam doctâ in occurrentis caput dirigentem, impetu tam vasto eundem impellentem, vt nihil supra vel legatur, vel cogitari possit. Quòd si quando hastâ confractâ gladium stingebat, nulla aut mora, aut requies erat; quæ ibi fulgura oculos seriebant? quæ tonitrua aures verberabant? primus me docuit quid esset *fulmen belli*. Nec mihi nunc dicat quispiam, facilem esse audaciam, vbi non sit periculum, fuisse autem hæc pugnæ simulacra tantum; neque enim ego alioversum produxi. Verum

rūm vt cūm taurum videamus arboris obnixum trunco in cornua nuper nata irasci discentem, aut ventos tantūm ictibus laceſcentem, intelligimus eū aliam pugnam meditari; ita & hæc bellorum ludicra, quibus à puero tantōpere deditus erat Princeps fortissimus, verorum præludia putanda sunt. Quid enim putatis, Academici? qui ex rei militaris vsu longo peritis, castra muniendi, exercitus disponendi, ordines ducendi, impetū faciendi, militiæ terreſtris, naualis artem vniuersam accuratissimè didicerat; qui bellica tormenta quamplurima fundi curauerat; qđi nauem ingentem, præ quā Argo cymba fuit, iam exstruxerat; qui, delectos ex omni Britannię nobilitate, iuvenes fortissimos, in aulam collegerat; qui cum heroibus vtriuſq; Germaniæ, totiusq; adeò Europe, amicitiam contraxerat; quid inquam putatis? nihil eum aggressurum? moliturum nihil? sensum horum omnium fuisse nullum? Ego verò non dubito, Academici, quin expeditionem in Colchos alteram cogitabar, & Herculeo planè Principe PALATINO comite assumpto, Romane arietis vellus aureum reportasset. Id pro comperto habeo, eius iamdiu cogitationes omnes, omnes sermones, cuncta insomnia de bello suscipiendo, & gerendo fuisse;

Et cūm frigida mors animā seduceret artus,
tum quoque linguam, mentis impulsū retinentem, arma tantūm, & prælia loquutam esse; & in mortui quoque vultu minas relictas apparuisse. O fallacem hominum spem, fragilemque fortunam, & inanes nostros conatus, qui in ipso sæpe limine frangūtur, & corruunt. In tribus, quot ferè impleuit, ætatis gradibus, præclarum aliquod facinus semper minabatur; qui autem primus annus rebus gerendis aptus videbatur, is nostram expectationem omnem, eiusq; vitæ consilia morte peruertit. O triste fatum, acerbam miseriam, tantæ

virtutis spem, tam rectè & primò conceptam, & indies per tot annos crescentem, cum ipsa paritudo appetet, rum extingui. Gaude Regum tyranne Romane Pontifex, gaude, aures adulationibus patentes præbe, sine te ὑπερβόρως τινα εὐδρα, Dominumq; suum, ac Deum parasiti vocent; excessit miles qui te & mortalem esse, & nequam hominem ferro docuisset.

Gaudete proditiorum fabri Iesuitæ, lupæ Romanæ genuini catuli, gaudete, insulam hanc nostram, quæ hoc genus bestiis semper caruit, infestate; est nobis, Deo gratias, & sit precor, qui vos odio toto persequitur venator Rex ipse, sunt canes, fuit etiam, qui asylum Romuleum, sylvam in quam refugere soletis excidisset, fabricas vestras à fundamentis omnes deieccisset, & pietatis hederam fortitudinis lauro maritasset. Atque hic quidem locus postulare mihi videtur, pauca etiam de castimonia eius adjici. Solent enim esse bellicosi viri, (quod in militiæ opprobrium dictum nolim) amatores mulierum plerumq; maximi, ideo, opinor, quòd robusta, & valentia corpora utriq; militiæ apta sint. Viderunt hoc Poetæ Comici, qui militis personam sine meretrice nunquam inducunt. Viderunt ante eos fabularum auctores, qui non frustra vnum Deorum Martem Veneri illigarunt. Nectamen passus est Princeps fortissimus virtutis suæ gloriā, huius turpitudinis confinio lædi. Sic enim secum putabat, multorum bonorum gratiam vnus vitij interuentu deformari; hoc autem esse tale, quod inhonestatis nomen καὶ ἔσχω meruerit; proinde ab omnibus, quibus honos curæ, præter cætera euitandum; Principibus maximè, qui (quod est in hoc genere ignominia ultimum) nisi indignā flammā ardere nequeant; quā nullam esse breuiorem ad contemptum viam; nec alio ex fonte Regnorum plurium mutationes fluxisse. His adiunxit

& il-

& illud, minimam libidinem in se scdissimam visuram paternæ pudicitæ comparatione, quo nullus mortalium verius Dianam exercet. Hæc cogitans, simulq; verissimè æstimans, quàm pronum esset in illo ætatis lubrico, turpiter ex improviso labi, sicut sapiens paterfamilias, materiam huius ignis rapacem è domo remoueri iussit. Dein fugatis etiam otio luxuriâq; corpus Laconum more assidue, ah & immodicè, exercens, famem tamen magnam labore multo obsonatam, victu parabili modicoq; satians, Cupidinis nervum laxavit, sagittas fregit. Et Achilles quidem erat, sed absq; Briseide; verusq; Laco, præterquam quòd castior. Sed nec corpus deperibat suum, quod faciunt multi, qui alienis abstinent, Narcissi; quibus si ad pulchritudinem opes contingant in se ornandis ferè vitamq; remq; insumunt; & cùm pavones multum splendore vincant, superbiâ tamen exuperant magis. Quò magis admirabilis videri debet Principis in his rebus eximia modestia; cui cùm forma esset virilis planè, ἡδὲ αὖ μὲν ἰδὲν μετὰ ποσειδῶνι & δέ. grata quidem aspici, terribilis tamen, noluit femineâ curâ dotem hanc naturæ tantam corrumpere; sed inassectatam quandam in cultu corporis negligentiam affectavit, & in vestibus Attalicis, & Alexandrinis animum minus elatum retinuit, quàm nos sub palliolo Diogenis sordido possidemus. Atque, quod est rarissimum exemplum, sic & in gestu gravitatem cum facilitate, & in habitu magnificentiam cum tenuitate temperavit, ut summæ fortunæ magnitudinem sine fastu, inferioris humanitatem sine contemptu retineret. Vfus ad hæc miscenda veterum Romanorum arte, quibus vestiri in foro honestè mos erat, domi quod satis esset; sic ergo & ille, diebus solennioribus processurus in publicum, aut legatos accepturus, ad tuendam imperij Maesta-

tem cum vestimentis splendidis incessum quoq; magnificum, vultumq; Maiestate plenum sumebat; reuersus autem ad suos tantâ comitate cum ijs versabatur, vt Principis supercilium omne exueret, tantillo etiam sumptu interdum ornatus, vt Dominum servumq; vix discerneres. Narrabo etiam vobis ad hanc rem dictum eius quoddam: cur enim aliorum Principum iocularia libenter in historijs legimus, nostrorum seria cum ipsis interire patimur? Fuit cum panno villosa, cui à Wallâ nomen inditum, multos dies amictus incederet, nec desuere luxuriosâ ingenia qui dictarent, Celitudinem suam non decere vestimentum adeò vile, sed nec pretiosissimum tamdiu ferre; quibus ille, *ME VERÒ PATRII PANNI NON PVDET, QVI VTINAM IMMORTALIS ESSET.* Responsum sempiternâ dignum memoriâ, quo illos, in minore multò fortunâ, Antoninos notare voluit, *ἵτινες παλὶν πᾶσαν ἐσθῆτα μυσάτοιναι ἐς τὰς φάσκιους ἐσθῆτας, ἀρχαῖας ἐντελὲς,* quibus nisi exoticum placere potest nihil, quicquid ex lanâ fit vile putant; & cum agros saepe totos in tergo ferant, quod tamen in Nerone etiam notabile fuit, eâdem veste bis indni crudeſcunt, pœnè dixeram eâdem formâ. Vsq; adeò verum semper erit ambiguum illud *ἐν Βρεταννῶν ἐσθῆτι χεῖρην ὡς ἰσάτι,* Britanni vsum vestium nesciunt, quas non induimus corpus vt celent, sed illas vt ostentemus; & post transmutata in mille formas corpora, non minus deformes nunc sumus ornati, quàm olim nudi. Quem Reip. nostræ morbum, non solum animaduertisse Principem Prudentissimum, (id enim faciunt & stulti) sed, quæ sunt prudentum propria, periculum quoq; olim ex eo secuturum longè præuidisse, viamq; medendi optimam tenuisse, hinc intelligitis. Iam Te non amplius laudo, admiror potius, iuuentutis Britannix non magis nobilitate, quàm vir-

tute Principem. Quis enim nostrum iuvenes, vitæ suæ modum habere nouit? ille etiam aliorum habuit. quis nostrum orbi proprio corrigendo sufficit? ille de orbe terrarum emendando cogitabat. quis nostrum peccaturus quenkam veretur? ille iam peccaturis verendus erat. Credite enim, Academici, quod non dicam dolo, Principis huius reuerentiam multos à vitijs abstraxisse, quos Dei timor deterrere non potuit; huius enim iram lentam fore credebant, illius in diem differri non sperabant. Igitur cum iuenum circa se numerum permagnum semper haberet, nullibi tamen criminum rarior nascebatur seges, quàm in aulâ Principis, quæ non vitiorum ludus, sed pietatis, virtutis, doctrinæ schola, veterumq; gymnasiolorum verissima imago erat; vbi inter discum, & philosophum, corporis, animiq; exercitationes otium suum diuidebat Princeps temporis parcissimus; nec habeo dicere illis-ne, an his studebat magis; & illas certè optimè, & has callebat. Quid enim nos iactamus, Academici, quibus studero vita est, si literis abditi, Musæisq; conclusi, cum philosophis, historicis solis versantes, Poetis, Oratoribus colloquentes, paulò aut doctiores, aut eloquentiores euadamus. Ille cui mille quotidie occupationes erant, quæ eius animum à studijs auocarent, ante primam lanuginem linguam vtramq; doctam probè intelligebat; Italo autem ore, & Gallico, non minùs rotundè loquebatur, quàm sua. Artes præterea omnes, & scientias, totamq; adeo philosophiam, si non quantum scholæ superest, at vitæ vsuiq; quod satis esset, de patris abundantia hauerat. In cuius fidem, testis sicuti locuples parum videar, argumento sit eius singularis in doctrinæ candidatos amor. Laus in Principe propè maior quàm doctrina ipsa; quem, si de duobus adeò coniunctis alterum tantum eligendum esset, Mæcenatem esse multò, quàm

Maronem mauelim. Quis ergo vestrum nescit, Principem vtriusq; Mineræ amantissimum armatos, & togatos dubio semper fauore amplexum esse? Quis nescit cum eruditos in aulâ suâ habuisse plurimos, quibus & Bibliothecam omni monumentorum genere reuerentissimam instruxerat? Quis eius in matrem nostram beneuolentiam, in sororem etiam benemerita non audiuit? Quâ quidem in re prudentiam eius eximiam, & in ipsâ quoq; inæqualitate æquabilitatem summam, satis admirari non possum. Nam cum videret Regem Serenissimum Academiam nostram viciniâ suâ frequenter beare, ne illa altera felicitatem hanc nobis tantam inuideret, seq; despiciatam aut neglectam quereretur, aulam ei suam admouit Princeps æquissimus, ut quàm nos ipsi Ioui prope sumus, illi Iouis filio tam propinqui essent. Hinc verè nobis iam oriri potuit metus, ne post etiam quàm fidus nostrum occideret, benigniore illos aspectu, quàm nos, intueri pergeret. Quam suspicionē, in nobis vix dum surgentē, aureo statim Apothegmate prudentissimè oppressit. Nā cum olim, Cancellarij vacante munere, rogaretur Oxonienses in tutelam recipere, quæ eius tum fuit oratio? SE VTRIVSQUE ACADEMIÆ CANCELLARIVM FORE: O mirum Principis, & dulce ingenium! Mitto verborum elegantiam, annos in quibus hoc protulit, rem putemus. Potuitne aut petentibus mollius denegare? aut non petentibus facilius promittere? aut vtriusq; æquiorē se præbere? Dignare Princeps Magne Academiæ Oxoniensī Cancellarius inscribi. Ignosce Lyceum celebre, tuus non ero priuatim, sed tuus ero. Non ausa est Cantabrigia ad tanti voti confessionem aspirare. Fide Musarum alma mater, verecundia tibi non obstat tua, pro alterâ rogatus sum, tui etiam patrociniū suscipio, VTRIVSQUE ACADEMIÆ CANCEL-

LARIUS

LARIUS ERO. Intelligebat nimirum diuino Princeps ingenio, æmulatione maximè accendi doctrinæ studia, eam autem inter pares, dubiâ adhuc victoriâ gliscere solere: palmâ verò seniel decretâ, & sublatâ certaminis vltioris potestate, victorem plerumq; iam securum diligentiam remittere, victumq; voluntatem contendendi cum spe superandi simul abjicere. Igitur & nunc quoque, si Tyrum fortasse ob palatij adfinitatem, Troiâ propriorem aliquantulum ducebat, vt genutibiâ, Troas tamen Tyriosq; in aulâ, atque à sacris nullo discrimine habebat. Vtriusq; summè faucebat, vtriusq; pariter, factisq; ostendit verissimum esse illud prudentissimi historici, *Landatorum Principum usum ex æquo esse quamuis procul agentibus*. Nec enim voluit loca hominibus obstare, sed pro meritis cuiusq; & dignitate, non pro vrbe, aut patriâ gratiam semper & præmium deferbat. Quid ego nunc his apponam, propensam eius in omnes, quâcunq; in arte excellentes beneficentiam? Nullus erit finis omnia si persequar, iamq; me vox deficit, non oratio. Tacere tamen non possum vnum etiam in eo rarissimum, quod regnorum Britannię hæreditatis suæ, redditus vndeque; prouenirent; vim, & in quibus staret; portuum numerum, & quot navium capaces essent, quot caperent; castellorum magnitudinem, situm, firmitatem, in singulis tormenta quot essent, quot milites, qui duces; imperij deniq; nostri arcana omnia cognitissima habebat. In re autem familiari, nescio an multi nobiles æquè sint aut versati, aut prouidi. Reditum omnem distribuerat in partes tres, quarû vnâ familiæ alendæ; aliâ seruorû stipendiis suisq; ornatibus, assignauerat; tertiâ ad improuisa sumptuum muneraq; reseruabat. Multa, vt par est Principi, multis donabat, nulli tamen quidquam cuius pretium ante non intelligeret, ne beneficij magnitudinem

vel

vel qui rogaret celare, vel qui acceperat, dissimulare possit: quorum alterum quidem petitores impudentes, alterum debitores ingratos facit. Et cum sciret maximam esse famulis ad fraudandum illecebram, domini in rationibus exigendis negligentiam; nisi grauior aliqua cura vetaret, accepti expensq; tabulas præsstituto semper die cum seruis putabat. Hęc cum mihi olim diceretur, Deum ex intimo corde Omnipotentem venerabar, vt nobis, viri Academici, virisq; militaribus, Britannię, Germanię, Ecclesię, Reip. Regi, bonis omnibus hoc decus, hoc præsidium, hoc columen seruarent. Iam tum verebar ne vitalis non esset prætaturus iuuenis; prudentia enim tanta, & tanta sanctitas, senectutem si aliquando præueniant, at mortem nunquam diu præcurrunt. Nec aut nos tali diutius digni eramus Principe, aut ille, in tam corruptis sæculi moribus, vitæ longioris cupidus videbatur. Ergo annos nondum viginti natus diem suum obiit. O infelicem rerum humanarum conditionem, iniquam enim religio est dicere. Fatuos à morte defendit ipsa insulitas; si cui plus cæteris aliquantulum salis insit, (quod miremini) statim putrescit. Tyranni inter odia populi, & execrationes semper canescunt; bonis sæpe Principibus suorum desideria, precesq; barbam impetrare non possunt. Marcellus in herbâ vere nouo succisus, spem Romanorum & vota elusit; Tiberius metû Augusti non sefellit, sed messem mali ad maturitatem perduxit. Et quid externa queror? domesticis exemplis, heu miseri abundamus. Nescio, Academici, quod nos fatum premat, aut quod flagitium luamus, aliquid certè subesse oportet, quod annis non multò plus quadringentis, filij Regum nostrorum primogeniti non minus octo immaturè perierunt. Non est iniustum, Summe Deus, vt primogenitos, tibi qui debentur, nobis auferas tu qui

qui pro nobis dedisti tuum, non est iniustum; tot am-
fisse, tam breui est miserè miserum. Longū esset omnes
nominare, atq; apud vos, uti opinor non necessarium.

quis nigri Memuoris arma?
quis decautum illum ARTHVRVM? quis in paruo
magnum EDVARDVM? quis reliquos non audi-
uit? Eorum omnium memoriam, longâ annorum suc-
cessionem, & diuturna Principis inopia prope deletam
MAGNI HENRICI virtutes renouabant. In eo ite-
rum spirabat de mortua iamdudum EDVARDI pie-
tas: in eo ARTHVRI grauis comitas, facilisq; Ma-
iestas aulam reuisebant: in eo NIGRI PRINCI-
PIS clara in bello gloria reuictura videbatur: in eo
quicquid olim, nunc quoque amissimus. Atque vtinam
quidem nostræ hic esset miseræ modus, & aliqua sal-
tem ab eo ante mortem suscepta proles fuisset! Nunc
autem non illi solum Principes, quos è sepulchris re-
suscitabat, cum eo simul in terram reuerterunt, sed alij
etiam, quos geniturus erat, nondum nati, extincti sunt:
nec illa modò vulnera iam olim obducta, huius letho
recruduerunt, sed alia etiam, quæ necdum sentimus, &
maiora nobis inflicta sunt. Ah ne hoc funus mille pro-
ducat funera, nec sit dies ille cum intempestivum huius
Principis fatum, acerbiorē luctu, quàm hodierno de-
flebitur, cæcisq; in malis deprensi PRINCIPEM
HENRICVM magna voce, PRINCIPEM HENRI-
CVM nequiquā clamabimus. Inanis fortè est hic metus
Academici, & si meæ cum vestris quid valeant preces,
inanis erat, vtinam etiam & stultus esset. Viuit quidem
Priamus, & diu vivat & diu precor: firma sit eius do-
mus, nec unquam nuteat: post fatum tamen Hectoris,
cuiusq; supremum diem cui decem annos spes nostræ in-
nixa sunt, Troia timere, cum nolim, reluctante licet ra-
nimo inuitus eogor. Quissemper, etiam nunc Pergama

suere forti dextra aterne Deus. Hectoris tamen in funus omnes vndas conuocet Britannia. Hectora iam senior Priamus imminensum fleat; Hectora facunda Hecuba, sed felicior plangat; Hectora superstes solus Polydorus defleat; Hectora Choraebus iuuenis, & Cassandra lugeant. Hectora vniuersus populus insolabiliter ploret. Hectoris in funere doleat huius regni caput. Hectoris in funere ruant ex oculis flumina, vtriusq; ex oculis, ex nostro non inferius. Alijs in rebus, Academicis, cessasse intra fines iuris nostri ne pudeat, in certamine verò obseruantia erga Principem, doloris pro defuncto, nec victi vnquam fuimus, nec vinci nos patiamur. Suspirijs contentus non sum, non gemitibus, quemcunq; ficcis genis astare videro, quemcunq; intemperanter non illachrymantem aut Vlyssis militem, aut Myrmidonem putabo. Nec morerendi tempus die, aut mense, aut anno finiamus; quid enim? eius mortem vnum tantum annum lugebimus, quem per omne æuum Britannia desiderabit? Adiuro vos, Academici, ne post hunc diem aliâ quàm pullâ veste in perpetuum vtamini, donec ILLUSTRISSIMO PRINCIPI CAROLO Magnæ spei alteræ Britannia puer ipsi similis nascetur. Solitum flendi morem, solitum sparium vincite, Hectora flemus. Hectori virtute parem, infelicitate etiam superiorem. Illi ante mortem vxor dignissima contigit, illi dulcis natus in collo pendebat; nostro nec Andromache, nec Astyanex fuit. Ille post defensam patriam, afflictos hostes, partam in bello gloriam, Achilles manu impulsus theatro exiuit; noster scenam idoneam non reperit vbi se explicaret, sepultâ profundo otio virtute sua *αὐτὸς ἑαυτῷ* tristiore lethi genere, quàm ipso letho occubuit. O frustra Britannorum omnium fortissimè Hector, te ne etiam ignavâ mortē, te morbo occumbere?

quid

quid ergo prodest pietas? quid temperantia? quid corporis exercitatio? Infaustū pilæ ludum, & periculi plenū execremur; demoliamus spheristeria quot vbiq; sunt omnia, in ijs valetudinem quæsiuit Princeps Optimus, inuenit morbum, morbum ex quo obiit. O sortem duram! Viuimus telluris pondera, & ex morbis sæpe grauib; conualeſcimus; **PRINCIPEM ILLUSTRIS** IMUM orbis terrarum expectationem prima, quæ afflixit, valetudo confecit. Febre populari multa è plebe millia hoc anno ardebant, vix vnus, aut alter absumptus est; vnus de tot millibus **PRINCEPS** non effugit.

Τὸ δὲ μάλιστα ἀπὸ ἐνὶ ἀναλκτοῦ ὄντων ἀπαντα

Ἰλιος ὀρευόμενα πυρὶ σμύχῳ καὶ ἀκρῆς.

Huic igni, præter eum quo regnum arsurum erat, alia nulla flamma comparanda est. O pijsſime, idem & forſiſſime **PRINCEPS HENRICE**, Pontificiorum terror, Protestantium partis vbiq; poſt patrem, maximum propugnaculum, perijsſemus vtinam quot quot hic ſumus omnes, ſalius vt eſſes, vel etiam periremus. Quiſquamne veſtrum recuſaret Heſtoris vice mori? Ego quidem, Academici, ſi vilis huius animæ morte dieculam ei vnica tantum impetrare poſſem, vitam hic libentiſſimè cum oratione finirem. Et nunc quoq; vnā amplius horam viuere non ſuſtinerem, niſi illud in his malis ſolamen eſſet, quòd poſtquam ſacer hic ramus à Proſerpiſina raptus ſit, alter aureus non deficiat. Concedat Deus Omnipotens vt virga ſimili etiam adhuc metallo frondeſcat: ſin id nimis impudenter petimus, conſeruet ſaltem Regem totum Neſtora, conſeruet Principes; quorum ſi vel alterutrum nobis pro meritis denegetur, beatus poſt hunc primus qui moritur diem.

DIXI.

D 2

EPI-

¶

EPITAPHIVM.

Inscribant aly monumentis ordine longo
Virtutes, titulos, nomina, facta, genera.

Hec laet HENRICVS, de quo memoranda recensant
Artuari lapidis finibus exigua.

Dacere nec tumulum solo plus nomine refert,
Cetera quæ semper fama loquetur erit.

Fr. Netherfole.

¶

Ἰσχυρὸν τὸν ἀνὰ τὸν ἡδὺν γ' ἐπέεσσιν

Πάστους αἰοῖς ὁ ἀνὴρ, ὡς ἐπὶ τοῖς κλυτοῖς.

Ἀλλὰ γεραίρετε δὴ καὶ ῥήτορες, ἑσπεροὶ ἄνδρες,

Μηδῆσιν ἀνναῶν τῆς ἀρετῆς θύμενοι.

Ὀχέτο μὲν ἰδὲ φαντ' ἀπ' ὀφθαλμῶν καὶ αἵς ὁ

Καὶ τὸ δέμας βαλὼν ἀβρὸν ἐκρυψε κόνις.

Ἐκ τῆς ζούλου δ' ἐκχέσθαι ἔποτε μνημῆς.

Ἐν γέρας ἀθάνατον τοῦτο γε τοῖς ἀγαθοῖς.

Αὐτῷ μὲν γὰρ μάλα δὲ ἔργα, τὸ δὲ κλέος ἔργων

Γινώμενον ἐκ πολλοῖς μάλλον ἔθηκε λόγος.

Α. Δυνῆς.

In magnanimitatem Principis

à teneris vnguibus.

Cic. Phil.

NIl fuit in terris heu tanto principe dignum,
Hoc terras spreuit sidera summa petens,
Virtus atque ætas non semper passibus æquis
Incedunt, sed iter corripit ante volans
Illa, neq; expectat tardos maturior annos,
In quibus est fictum cor meliore luto.
Non igitur cœlestem animam res vlla moratur,
Non spes, non regnum, non diadema tenet:
Sed sublimem ardens eirexit ad æthera virtus,
Et cœlum, quem non terra repulsa, capit.
Scilicet incoctum generoso pectus honesto
Cœlitus incendens igneus ille vigor,
Hinc facit humanis rebus migrare relictis,
Et tentare viam velle per astra poli,

Andr. Downes.

FINIS.

